



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje
„Deklaracije gradonačelnika za bolju prevenciju, pripravnost i odgovor na pandemije“
(Prijedlog)

Predlagač: Gradonačelnica
Obrađivač: Stručna služba za
protokolarne poslove, odnose s
javnošću i međunarodnu saradnju

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na __. sjednici održanoj __. __. 2023. godine, donijelo je:

(Prijedlog)

Odluku
o davanju saglasnosti gradonačelnici Grada Sarajeva za potpisivanje
„Deklaracije gradonačelnika za bolju prevenciju, pripravnost i odgovor na pandemije“

Član 1.
(Predmet Odluke)

Ovom odlukom Grad Sarajevo prihvata poziv Globalnog parlamenta gradonačelnika i Geneva Cities Hub-a u pridruživanju gradonačelnicima cijelog svijeta u potpisivanju „Deklaracije gradonačelnika za bolju prevenciju, pripravnost i odgovor na pandemije“.

Član 2.
(Način pridruživanja)

Pridruživanje iz člana 1. Odluke uspostavlja se potpisivanjem „Deklaracije gradonačelnika za bolju prevenciju, pripravnost i odgovor na pandemije“ (u daljnjem tekstu: Deklaracija), čiji je tekst sastavni dio Odluke.

Član 3.
(Ovlaštenje za potpisivanje Deklaracije)

Ovlašćuje se gradonačelnica Grada Sarajeva da u ime Grada Sarajeva potpiše Deklaraciju iz člana 1. ove odluke.

Član 4.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je članu 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23) kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i sarađivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

RAZLOZI DONOŠENJA

Globalni parlament gradonačelnika (engl. Global Parliament of Mayors ili GPM) nastao je u Hagu 2016. godine kao upravljačko tijelo gradonačelnika sa svih kontinenata, od strane i za gradonačelnike. Temelji se na iskustvu, stručnosti i vodstvu gradonačelnika u rješavanju lokalnih izazova koji proizlaze iz globalnih problema. Istovremeno, donosi lokalno znanje i na taj način aktivno učestvuje u debatama o globalnoj strategiji i naglašava potrebe za praktičnim rješenjima usmjerenim na akciju.

Globalni parlament gradonačelnika promovira lokalnu upravu i zahtijeva ulogu gradova u međunarodnom sistemu upravljanja. Promovira kolektivno donošenje odluka grada preko državnih granica, kao odgovor na ključne izazove s kojima se čovječanstvo suočava i kreirajući bolja rješenja za sve.

Globalni parlament gradonačelnika i Geneva Cities Hub pozivaju gradonačelnike iz cijelog svijeta da potpišu „Deklaraciju gradonačelnika za bolju prevenciju, pripravnost i odgovor na pandemije“ koju su pripremili u konsultaciji s vodećim svjetskim zdravstvenim stručnjacima.

Ova ključna inicijativa ima za cilj jačanje saradnje između gradova, međunarodnih organizacija i država članica kako bi se osigurao efikasniji odgovor na buduće pandemije.

Potpisnici Deklaracije do 20. jula 2023. godine su gradonačelnici 21 grada (gradovi poredani po abecednom redu): Amman, Jordan; Baltimore, USA; Banjul, Gambia; Braga, Portugal; Budapest, Hungary; Dura, Palestine; Gent, Belgija; Kampala, Uganda; Kampala Central Division; Katowice, Poland; Mannheim, Germany; Mityana, Uganda, Monrovia, Liberia,; Nansana, Uganda; Nebbi, Uganda; Quelimane, Mozambique; Rochester Hills, USA; San Jose, USA; Tallin, Estonia; Tegucigalpa, Honduras; Vyas, Nepal.

Deklaracija i njeni potpisnici bit će predstavljeni na sastanku na visokom nivou Generalne skupštine UN-a o prevenciji pandemije 20. septembra 2023. godine, kao i na 77. skupštini Svjetske zdravstvene organizacije (WHO) u maju 2024. godine.

SREDSTAVA ZA PROVOĐENJE ODLUKE

Za realizaciju ove odluke nisu potrebna sredstva iz Budžeta Grada Sarajeva.

DEKLARACIJA GRADONAČELNIKA ZA BOLJU PREVENCIJU, PRIPRAVNOST I ODGOVOR NA PANDEMIJE

PPPR = prevencija pandemije, pripravnost i odgovor

Mi, gradonačelnici dole potpisanih gradova, u saradnji sa Globalnim parlamentom gradonačelnika i Geneva Cities Hub-om:

Naglašavajući značajan zdravstveni i socio-ekonomski uticaj koji je pandemija Covid-19 imala na naše gradove, zajednice i države,

Podsjećajući da smo tokom pandemije Covid-19 bili na prvoj liniji odgovora i igrali ključnu ulogu u prevođenju i primjeni nacionalnih politika, propisa i mjera u našim kompleksnim urbanim sredinama, kako bi spriječili i obuzdali širenje bolesti, informirajući i uključujući naše stanovništvo u vezi s tim, da identificiramo mjesta ranjivosti na našim teritorijama i zaštitimo i pomognemo onima kojima je pomoć potrebna, prikupimo podatke i olakšamo brzi socio-ekonomski oporavak nakon pandemije,

Ističući da je, iako je Svjetska zdravstvena organizacija 5. maja 2023. godine proglasila kraj javne zdravstvene krize od međunarodnog značaja izazvane Covid-19, još uvijek postoje posljedice i uticaji koje moramo da riješimo. Nadalje, bolest perzistira i sada je dodana nizu drugih bolesti koje pogađaju gradove širom svijeta. Također, moramo da izvučemo pouke da bismo bili bolje pripremljeni za sljedeću pandemiju i druge buduće zdravstvene krizne situacije koje utiču na naše gradove,

Uviđajući činjenicu da se pandemijom treba efikasno upravljati pouzdanom interakcijom globalnog upravljanja, sa nacionalnom i lokalnom upravom i da, dok se o glavnim politikama odlučuje na nacionalnom nivou, gradovi i metropolitanska područja trebaju biti uključeni u osmišljavanje i implementaciju adekvatnih odgovora kako bi se izbjegao bilo kakav nedostatak u upravljanju globalnim izazovom na više nivoa.

Naglašavajući da prevencija, priprema, reagovanje i oporavak od budućih pandemija i druge hitne zdravstvene situacije na efikasan način predstavljaju prioritet za naše gradove,

Cijeneci tekuće međunarodne napore za poboljšanje PPPR-a, posebno kroz sadašnje međuvladine pregovore o novoj konvenciji SZO, sporazum ili drugi međunarodni instrument o PPPR, kao i o izmjenama i dopunama Međunarodnih zdravstvenih propisa,

Potvrđujući da su zbog naše blizine našem stanovništvu, poznavanja lokalnog konteksta i aktera, gradonačelnici u najboljoj poziciji da obezbijede djelotvoran PPPR i da bi, stoga, gore pomenuti međunarodni zdravstveni instrumenti bili djelotvorniji i efikasniji ako bi u potpunosti prepoznali i uključili lokalne samouprave u relevantne odredbe koje imaju za cilj bolje sprječavanje, pripremu i reagovanje na pandemije i druge vanredne zdravstvene situacije na lokalnom nivou,

Ističući ključnu ulogu koordinacije između nacionalnog, regionalnog i lokalnog nivoa, kao efektivno angažovanje zajednice, u pripremi i odgovoru na zdravstvene hitne situacije, prema rezoluciji WHA75.7 o jačanju spremnosti i odgovora na hitne zdravstvene situacije u gradovima i urbanim sredinama.

Izražavajući zabrinutost zbog nedostatka adekvatnih resursa na podnacionalnom nivou za efikasan PPPR, posebno u zemljama sa niskim i srednjim dohotkom,

Pozivamo čovječanstvo i njegove globalne institucije da razmisle o načinima i sredstvima za rješavanje deficita uvođenja vakcinacije koja je dovela do očigledne podjele sjever-jug tokom pandemije Covid-19, u organizaciji zdravstvenog sektora, uključujući bolnice, intenzivnu njegu i preventivne akcije u naseljima, kao i deficit u pristupačnosti i prihvatanju politika u multikulturalnom urbanom kontekstu, posebno u naseljima sa ograničenim resursima,

*Pozivamo države koje trenutno nastoje poboljšati PPPR da osiguraju da se koncept **pravičnosti** koji leži u srcu oba gore navedena međunarodna zdravstvena instrumenta, ne primjenjuje samo između država nego i unutar država, gdje su lokalne vlasti u dobroj poziciji da stvore stvarnu jednakost na podnacionalnom nivou i pobrinu se da niko ne bude zaostao u odnosu na PPPR,*

*Ohrabrujemo države da ponovo potvrde da su **urbane sredine posebno osjetljive** na zarazne bolesti, epidemije i pandemije te da lokalne samouprave stoga imaju važnu ulogu u prevenciji, pripremi i reagovanju na pandemije i vanredne zdravstvene situacije.*

*Ohrabrujemo države da priznaju da je **urbano planiranje** ključni element spremnosti i odgovora, kao što je službeno potvrđeno rezolucijom WHA73.8 (2020) o jačanju spremnosti za zdravlje u hitnim slučajevima: implementacija međunarodnih zdravstvenih propisa,*

*Pozivamo države da osiguraju da oba međunarodna zdravstvena instrumenta, između ostalog, budu rukovođena pristupom koji **uključuje sve nivoe vlasti** kako bi se osigurala koherentnost politike i djelotvorna implementacija među svim sektorima i nivoima vlasti, posebno u odnosu na one-health pristupe,*

*Pozivamo države da se eksplicitno pozivaju na **ključnu ulogu koju lokalne samouprave igraju** u angažovanju svog stanovništva, posebno za identifikaciju i zaštitu pojedinaca i grupa pojedinaca koji se nalaze u ranjivim situacijama – bilo da se radi o fizičkoj ili socio-ekonomskoj ugroženosti, da se podigne svijest, da se pruže prave informacije, da se bori protiv dezinformacija i osigura pridržavanje mjera koje se odnose na PPPR.*

*Pozivamo države da priznaju da je efikasan PPPR složen poduhvat koji se mora osloniti na **multisektorski pristup** i da su lokalne samouprave u dobroj poziciji da implementiraju ovaj multisektorski pristup na njihovom nivou.*

*Ohrabrujemo države da olakšaju **uključivanje i doprinos** lokalnih vlasti u **međunarodnim procesima** koji se odnose na PPPR.*

*Pozivamo države da ojačaju podršku lokalnim vlastima u smislu **resursa, stručnosti i kapaciteta**, tako da mogu efikasno prevesti i implementirati nacionalne politike i propise na lokalnom nivou za efikasan PPPR.*